

本紀

新羅

三國史記



三國史記目錄

翰忠定難靖國資化同德功臣開府儀同三司
書
太師守太保門下侍中判尚
書
吏禮部事集賢殿太學士監修國史上柱國致仕臣金富軾奉宣撰

三國史記卷第一

新羅本紀第一

始祖赫居世居西干

南解次次雄

儒理尼師今

脫解尼師今

婆娑尼師今

三國史本紀
祇摩尼師今

逸聖尼師今

三國史記卷第二

新羅本紀第二

阿達羅尼師今

伐休尼師今

奈解尼師今

助賁尼師今

沾解尼師今

味鄒尼師今

儒禮尼師今

基臨尼師今

訖解尼師今

三國史記卷第三

新羅本紀第三

奈勿尼師今

實聖尼師今

訖祗麻立干

慈悲麻立干

照知麻立干

三國史記卷第四

新羅本紀第四

智證麻立干

法興王

真興王

真智王

真平王

三國史記卷第五

新羅本紀第五

善德女王

三國史記
真德女王

太宗王

三國史記卷第六

新羅本紀第六

文武王上

三國史記卷第七

新羅本紀第七

文武王下

三國史記卷第八

新羅本紀第八

神文王

孝昭王

聖德王

三國史記卷第九

新羅本紀第九

孝成王

景德王

惠恭王

宣德王

三國史記卷第十

新羅本紀第十

元聖王

昭聖王

哀莊王

憲德王

興德王

僖康王

閔哀王

神武王

三國史記卷第十一

新羅本紀第十一

文聖王

憲安王

景文王

憲康王

定康王

真聖女王

三國記卷第十二

新羅本紀第十二

孝恭王

神德王

景明王

景哀王

敬順王

三國史記卷第十三

高句麗本紀第一

始祖東明聖王

琉璃王

三國史記卷第十四

高句麗本紀第二

大武神王

閔中王

慕本王

三國史記卷第十五

高句麗本紀第三

太祖王

次大王

三國史記卷第十六

高句麗本紀第四

新大王

故國川王

山上王

三國史記卷第十七

高句麗本紀第五

東川王

中川王

西川王

烽上王

美川王

三國史記卷第十八

高句麗本紀第六

故國原王

小獸林王

故國壤王

廣開土王

長壽王

三國史記卷第十九

高句麗本紀第七

文咨王

安藏王

安原王

陽原王

平原王

三國史記卷第二十

高句麗本紀第八

嬰陽王

建武王

三國史記卷第二十一

高句麗本紀第九

寶藏王上

三國史記卷第二十二

高句麗本紀第十

寶藏王下

三國史記卷第二十三

百濟本紀第一

始祖溫祚王

多婁王

己婁王

蓋婁王

肖古王

三國史記卷第二十四

百濟本紀第二

仇首王

沙伊王

古爾王

責稽王

汾西王

比流王

契王

近肖古王

近仇首王

枕流王

三國史記卷第二十五

百濟本紀第三

辰斯王

阿莘王

腆支王

久爾辛王

毗有王

蓋鹵王

三國史記卷第二十六

百濟本紀第四

文周王

三斤王

東城王

武寧王

聖王

三國史記卷第二十七

百濟本紀第五

威德王

惠王

法王

武王

三國史記卷第二十八

百濟本紀第六

義慈王

三國史記卷第二十九

年表上

三國史記卷第三十

年表中

三國史記卷第三十一

年表下

三國史記卷第三十二

志第一

祭祀樂

三國史記卷第三十三

志第二

車服屋舍

三國史記卷第三十四

志第三

地理一

新羅

三國史記卷第三十五

志第四

地理二

新羅

三國史記卷第三十六

志第五

地理三

新羅

三國史記卷第三十七

志第六

地理四

高句麗

百濟

三國史記卷第三十八

志第七

職官上

三國史記卷第三十九

志第八

職官中

三國史記卷第四十

志第九

職官下

三國史記卷第四十一

列傳第一

金庾信上

三國史記卷第四十二

列傳第二

金庾信中

三國史記卷第四十三

列傳第三

金庾信下

子三光

元述 孫巖附

孫允中

三國史記卷第四十四

列傳第四

乙支文德

居柒夫

居道

異斯夫

金仁問

良圖附

金陽

金昕附

黑齒常之

張保臯

鄭年附

斯多舍

三國史記卷第四十五

列傳第五

乙巴素

金后稷

祿真

密友

細由

明臨答夫

昔于老

朴堤上

貴山

溫達

三國史記卷第四十六

列傳第六

強首

崔致遠

薛聰

崔承祐
朴仁範

崔彦瑞
元傑

金大問
巨仁

金雲卿
金垂訓附

三國史記卷第四十七

列傳第七

奚論

父讚德附

素那

父川附

驟徒

兄逼實

弟夫果附

訥催

薛翳頭

金令尹

祖欽春

父盤屈附

官昌

金歆運

裂起

仇近附

丕寧子

子舉真

如合節附

竹竹

匹夫

階伯

三國史記卷第四十八

列傳第八

向德

聖覺

實弓

勿稽子

百結先生

劒君

金生

姚克附

率居

孝女知恩

薛氏

都彌

三國史記卷第四十九

列傳第九

倉助利

蓋蘇文

子男生
孫獻誠附

男建

男產

三國史記卷第五十

列傳第十

弓裔

甄萱

子神劍
英親

龍劍

良劍

金剛

三國史記目錄

三國史記卷第一

翰忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

新羅本紀第一

始祖赫居世居西干南解次
次雄儒理尼師今脫解尼

師今婆娑尼師今祇摩尼
師今逸聖尼師今

始祖姓朴氏諱赫居世前漢孝宣帝五鳳元年

甲子四月丙辰十一日正月十五日即位號居西干時年

十三國號徐那伐先是朝鮮遺民分居山谷之

間為六村一曰閼川楊山村二曰突山高墟村

三曰紫山珍支村或云干珍村四曰茂山大樹村五

曰金山加利村六曰明活山高耶村是為辰韓
六部高墟村長蘇伐公望楊山麓蘿井傍林間
有馬跪而嘶則往觀之忽不見馬只有大卵剖
之有嬰兒出焉則收而養之及年十餘歲岐嶷
然夙成六部人以其生神異推尊之至是立為
君焉辰人謂瓠為朴以初大卵如瓠故以朴為
姓居西干辰言王

或云呼貴
人之稱

四年夏四月辛丑朔日有食之

五年春正月龍見於闕英井右脇誕生女兒老
嫗見而異之收養之以井名名之及長有德容

始祖聞之納以為妃有賢行能內輔時人謂之
二聖

八年倭人行兵欲犯邊聞始祖有神德乃還

九年春三月有星孛于王良

十四年夏四月有星孛于參

十七年王巡撫六部妃闕英從馬勸督農桑以
盡地利

十九年春正月卜韓以國來降

二十一年築京城號曰金城是歲高勾麗始祖

東明立

二十四年夏六月壬申晦日有食之

二十六年春正月營宮室於金城

三十年夏四月己亥晦日有食之樂浪人將兵
來侵見邊人夜戶不扃露積被野相謂曰此方
民不相盜可謂有道之國吾儕潛師而襲之無
異於盜得不愧乎乃引還

三十二年秋八月乙卯晦日有食之

三十八年春二月遣瓠公聘於馬韓馬韓王讓
瓠公曰辰卞二韓為我屬國比年不輸職貢事
大之禮其若是乎對曰我國自二聖肇興人事

修天時和倉庾充實人民敬讓自辰韓遺民以
至卞韓樂浪倭人無不畏懷而吾王謙虛遣下
臣修聘可謂過於禮矣而大王赫怒劫之以兵
是何意耶王憤欲殺之左右諫止乃許歸前此
中國之人苦秦亂東來者衆多處馬韓東與辰
韓雜居至是寢盛故馬韓忌之有責焉瓠公者
未詳其族姓本倭人初以瓠繫腰度海而來故
稱瓠公

三十九年馬韓王薨或說上曰西韓王前辱我
使今當其喪征之其國不足平也上曰幸人之

災不仁也不從乃遣使吊慰

四十年百濟始祖溫祚立

四十三年春二月乙酉晦日有食之

五十三年東沃沮使者來獻良馬二百匹曰寡
君聞南韓有聖人出故遣臣來享

五十四年春二月己酉星孛于河鼓

五十六年春正月辛丑朔日有食之

五十九年秋九月戊申晦日有食之

六十年秋九月二龍見於金城井中暴雷雨震

城南門

六十一年春三月居西干升遐葬蛇陵在巖

寺址

南解次次雄

次次雄或云慈克金大問云方言謂巫也世人以巫事鬼神尚祭祀

故畏敬之遂稱尊長者為慈克

赫居世嫡子也身長大性沉厚

多智略母闕英夫人妃雲帝夫人

一云阿繼父妻夫人

即位稱元

論曰人君即位踰年稱元其法詳於春秋此先

王不刊之典也伊訓曰成湯既沒太甲元年正

義曰成湯既沒其歲即太甲元年然孟子曰湯

崩太丁未立外丙二年仲壬四年則疑若尚書

之脫簡而正義之誤說也或曰古者人君即位或踰月稱元年或偷年而稱元年踰月而稱元年者成湯既沒太甲元年是也孟子云太丁未立者謂太丁未立而死也外丙二年仲壬四年者皆謂太丁之子太甲二兄或生二年或生四年而死太甲所以得繼湯耳史記便謂此仲壬外丙為二君誤也由前則以先君終年即位稱元非是由後則可謂得商人之禮者矣

元年秋七月樂浪兵至圍金城數重王謂左右曰二聖棄國孤以國人推戴謬居於位危懼若

涉川水今鄰國來侵是孤之不德也為之若何
左右對曰賊幸我有喪妄以兵來天必不祐不
足畏也賊俄而退歸

三年春正月立始祖廟冬十月丙辰朔日有食
之

五年春正月王聞脫解之賢以長女妻之

七年秋七月以脫解為大輔委以軍國政事

八年春夏旱

十一年倭人遣兵船百餘艘掠海邊民戶發六
部勁兵以禦之樂浪謂內虛來攻金城甚急夜

有流星墜於賊營衆懼而退屯於關川之上造
石堆二十而去六部兵一千人追之自吐舍山
東至關川見石堆知賊衆乃止

十三年秋七月戊子晦日有食之

十五年京城旱秋七月蝗民饑發倉廩救之
十六年春二月北溟人耕田得歲王印獻之
十九年大疫人多死冬十一月無水

二十年秋太白入太微

二十一年秋九月蝗王薨葬地陵園內

儒理尼師今立南解太子也母雲帝夫人妃日

知葛文王之女也

或云妃姓朴許婁王之女

初南解薨儒理

當立以大輔脫解素有德望推讓其位脫解曰
神器大寶非庸人所堪吾聞聖智人多齒試以
餅啗之儒理齒理多乃與左右奉立之號尼師
今古傳如此金大問則云尼師今方言也謂齒
理昔南解將死謂男儒理壻脫解曰吾死後汝
朴昔二姓以年長而嗣位焉其後金姓亦與三
姓以齒長相嗣故稱尼師今

二年春二月親祀始祖廟大赦

五年冬十一月王巡行國內見一老嫗饑凍將

死曰予以眇身居上不能養民使老幼至於此
極是予之罪也解衣以覆之推食以食之仍命
有司在處存問鰥寡孤獨老病不能自活者給
養之於是鄰國百姓聞而來者衆矣是年民俗
歡康始製堯率歌此歌樂之始也

九年春改六部之名仍賜姓楊山部為梁部姓
李高墟部為沙梁部姓崔大樹部為漸梁部云

梁年姓孫于珍部為本彼部姓鄭加利部為漢祗
部姓裴明活部為習比部姓薛又設官有十七
等一伊伐食二伊尺食三迎食四波珍食五大

阿飡六阿飡七一吉飡八沙飡九級伐飡十大
奈麻十一柰麻十二大舍十三小舍十四吉士
十五大烏十六小烏十七造位王既定六部中
分為二使王女二人各率部內女子分朋造黨
自秋七月既望每日早集大部之庭續麻乙夜
而罷至八月十五日考其功之多小負者置酒
食以謝勝者於是歌舞百戲皆作謂之嘉俳是
時負家一女子起舞歎曰會蘇會蘇其音哀雅
後人因其聲而作歌名會蘇曲
十一年京都地裂泉湧夏六月大水

十三年秋八月樂浪犯北邊攻陷朶山城

十四年高句麗王無恤襲樂浪滅之其國人五千來投分居六部

十七年秋九月華麗不耐二縣人連謀率騎兵犯北境貊國渠師以兵要曲河西敗之王喜與貊國結好

十九年秋八月貊帥獵得禽獸獻之

三十一年春二月星孛于紫宮

三十三年夏四月龍見金城井有頃暴雨自西

北來五月大風拔木

三十四年秋九月王不豫謂臣寮曰脫解身聯
國戚位處輔臣屢著功名朕之二子其才不及
遠矣吾死之後俾即大位以無忘我遺訓冬十
月王薨葬地陵園內

脫解尼師今立

吐解云

時年六十二姓昔妃阿孝

夫人脫解本多婆那國所生也其國在倭國東
北一千里初其國王娶女國王女為妻有娠七
年乃生大卵王曰人而生卵不祥也宜棄之其
女不忍以帛裹卵并寶物置於櫝中浮於海任
其所往初至金官國海邊金官人怪之不取又

至辰韓阿珍浦口是始祖赫居世在位三十九年也時海邊老母以繩引繫海岸開櫝見之有一小兒在焉其母取養之及壯身長九尺風神秀朗智識過人或曰此兒不知姓氏初櫝來時有一鵲飛鳴而隨之宜省鵲字以昔為氏又解韞櫝而出宜名脫解脫解始以漁釣為業供養其母未嘗有懈色母謂曰汝非常人骨相殊異宜從學以立功名於是專精學問兼知地理望楊山下甄公宅以為吉地設詭計以取而居之其地後為月城至南解王五年聞其賢以其女

妻之至七年登庸為大輔委以政事儒理將死
曰先王顧命曰吾死後無論子壻以年長且賢
者繼位是以寡人先立今也宜傳其位焉

二年春正月拜瓠公為大輔二月親祀始祖廟
三年春三月王登吐含山有玄雲如蓋浮王頭
上良久而散夏五月與倭國結好交聘六月有
星孛于天船

五年秋八月馬韓將孟召以覆巖城降

七年冬十月百濟王拓地至娘子谷城遣使請
會王不行

八年秋八月百濟遣兵攻蛙山城冬十月又攻
狗壤城王遣騎二千擊走之十二月地震無雪
九年春三月王夜聞金城西始林樹間有鷄鳴
聲遲明遣鄒公視之有金色小犢掛樹枝白鷄
鳴於其下鄒公還告王使人取犢開之有小男
兒在其中姿容奇偉上喜謂左右曰此豈非天
遺我以令胤乎乃收養之及長聰明多智略乃
名閼智以其出於金犢姓金氏改始林名鷄林
因以為國號

十年百濟攻取蛙山城留二百人居守尋取之

十一年春正月以朴氏貴戚分理國內州郡號
為州主郡主二月以順貞為伊伐飡委以政事
十四年百濟來侵
十七年倭人侵木出島王遣角干羽烏禦之不
克羽烏死之

十八年秋八月百濟寇邊遣兵拒之

十九年大旱民饑發倉賑給冬十月百濟攻西
鄙蛙山城拔之

二十年秋九月遣兵伐百濟復取蛙山城自百
濟來居者二百餘人盡殺之

二十一年秋八月阿食吉門與加耶兵戰於黃
山津口獲一千餘級以吉門為波珍食賞功也
二十三年春二月彗星見東方又見北方二十
日乃滅

二十四年夏四月京都大風金城東門自壞秋
八月王薨葬城北壤井丘

婆娑尼師今立儒理王第二子也

或云儒理弟
柰老之子也

妃金氏史省夫人許婁葛文王之女也初脫解
薨臣僚欲立儒理太子逸聖或謂逸聖雖嫡嗣
而威明不及婆娑遂立之婆娑節儉省用而愛

民國人嘉之

二年春二月親祀始祖廟三月巡撫州郡發倉賑給慮獄囚非二罪悉原之

三年春正月下令曰今倉廩空匱戎器頑鈍儻有水旱之災邊鄙之警其何以禦之宜令有司勸農桑練兵革以備不虞

五年春二月以明宣為伊食名良為波珍食夏五月古阨郡主獻青牛南新縣麥連歧大有年行者不賣糧

六年春正月百濟犯邊二月以吉元為阿食夏

四月客星入紫微

八年秋七月下令曰朕以不德有此國家西鄰百濟南接加耶德不能綏威不足畏宜繕葺城壘以待侵軼是月築加召馬頭二城

十一年秋七月分遣使十人廉察州郡主不勤公事致田野多荒者貶黜之

十四年春正月拜允良為伊飡啓其為波珍飡二月巡幸古所夫里郡親問高年賜穀冬十月京都地震

十五年春二月加耶賊圍馬頭城遣阿飡吉元

將騎一千擊走之秋八月閱兵於關川

十七年秋七月暴風自南拔金城南大樹九月
加耶人襲南鄙遣加城主長世拒之為賊所殺
王怒率勇士五千出戰敗之虜獲甚多

十八年春正月舉兵欲伐加耶其國主遣使請
罪乃止

十九年夏四月京都旱

二十一年秋七月雨雹飛鳥死冬十月京都地
震倒民屋有死者

二十二年春二月築城名月城秋七月王移居

月城

二十三年秋八月音汁伐國與悉直谷國爭疆
詣王請決王難之謂金官國首露王年老多智
識召問之首露立議以所爭之地屬音汁伐國
於是王命六部會饗首露王五部皆以伊食為
主唯漢祗部以位卑者主之首露怒命奴耽下
里殺漢祗部主保齊而歸奴逃依音汁伐主陀
鄒干家王使人索其奴陀鄒不送王怒以兵伐
音汁伐國其主與衆自降悉直押督二國王來
降冬十月桃李華

二十五年春正月衆星隕如雨不至地秋七月
悉直叛發兵討平之徙其餘衆於南鄙

二十六年春正月百濟遣使請和二月京都雪
三尺

二十七年春正月幸押督賑貧窮三月至自押
督秋八月命馬頭城主伐加耶

二十九年夏五月大水民饑發使十道開食賑
給遣兵伐比只國多伐國草八國并之

三十年秋七月蝗害穀王遍祭山川以祈禳之
蝗滅有年

三十二年夏四月城門自毀自五月至秋七月
不雨

三十三年冬十月王薨葬地陵園內

祇摩尼師今立

或云祇味

婆娑王嫡子母史省夫人

妃金氏愛禮夫人葛文王摩帝之女也初婆娑
王獵於榆食之澤太子從焉獵後過韓歧部伊
食許婁饗之酒酣許婁之妻推門少女子出舞
摩帝伊食之妻亦引出其女太子見而悅之許
婁不悅王謂許婁曰此地名大庖公於此置盛
饌美醕以宴衍之宜位酒多在伊食之上以摩

帝之女配太子焉酒多後云角干
二年春二月親祀始祖廟拜昌永為伊食以叅
政事玉權為波珍食申權為一吉食順宣為級
食三月百濟遣使來聘
三年春三月雨雹麥苗傷夏四月大水慮囚除
死罪餘悉原之

四年春二月加耶寇南邊秋七月親征加耶帥
步騎度黃山河加耶人伏兵林薄以待之王不
覺直前伏發圍數重王揮軍奮擊決圍而退
五年秋八月遣將侵加耶王帥精兵一萬以繼

之加耶嬰城固守會久雨乃還

九年春二月大星墜月城西聲如雷三月京都
大疫

十年春正月以翌宗為伊飡所連為波珍飡林
權為阿飡二月築大甌山城夏四月倭人侵東
邊

十一年夏四月大風東來折木飛瓦至夕而止
都久訛言倭兵大來爭遁山谷王命伊飡翌宗
等諭止之秋七月飛蝗害穀年饑多盜

十二年春三月與倭國講和夏四月隕霜五月

金城東民屋陷為池芙蓉生

十三年秋九月庚申晦日有食之

十四年春正月靺鞨大入北境殺掠吏民秋七月又襲大嶺柵過於泥河王移書百濟請救百濟遣五將軍助之賊聞而退

十六年秋七月甲戌朔日有食之

十七年秋八月長星竟天冬十月國東地震十一月雷

十八年伊食昌永卒以波珍食玉權為伊食以叅政事

二十一年夏五月大雨漂沒民戶

二十一年春二月宮南門災

二十三年春夏旱秋八月王薨無子

逸聖尼師今立儒理王之長子

或云日知葛文王之子妃

朴氏支所禮王之女

元年九月大赦

二年春正月親祀始祖廟

三年春正月拜雄宣為伊飡兼知內外兵馬事

近宗為一吉飡

四年春二月靺鞨入塞燒長嶺五柵

五年春二月置政事堂於金城秋七月大閱關
川西冬十月北巡親祀太白山

六年秋七月隕霜殺菽八月靺鞨襲長嶺虜掠
民口冬十月又來雷甚乃退

七年春二月立柵長嶺以防靺鞨

八年秋九月辛亥晦日有食之

九年秋七月召羣公議征靺鞨伊飡雄宣上言
不可乃止

十年春二月修葺宮室夏六月乙丑熒惑犯鎮
星冬十一月雷

三國志卷一
十一年春二月下令農者政本食惟民天諸州
郡修完堤坊廣闢田野又下令禁民間用金銀
珠玉

十二年春夏旱南地最甚民飢移其粟賑給之
十三年冬十月押督叛發兵討平之徙其餘衆
於南地

十四年秋七月命臣寮各舉智勇堪為將帥者

十五年封朴阿道為葛文王

新羅追封王皆稱
葛文王其義未詳

十六年春正月以得訓為沙食宣忠為奈麻秋

八月有星孛于天市冬十一月雷京都大疫

十七年自夏四月不雨至秋七月乃雨

十八年春二月伊飡雄宣卒以大宣為伊飡兼知內外兵馬事三月雨雹

二十年冬十月宮門災彗星見東方又見東北方

二十一年春二月王薨

三國史記卷第一

三國史記卷第二

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

新羅本紀第二

阿達羅尼師今

伐休尼師今

奈解尼師今

助貢尼師今

沾解尼師今

味鄰尼師今

儒禮尼師今

基臨尼師今

訖解尼師今

阿達羅尼師今立逸聖長子也身長七尺豐準有奇相母朴氏支所禮王之女妃朴氏內禮夫人祇摩王之女

元年三月以繼元為伊飡委軍國政事

二年春正月親祀始祖廟大赦以興宣為一吉
食

三年夏四月隕霜開雞立嶺路

四年春二月始置甘勿馬山二縣三月巡幸長
嶺鎮勞戍卒各賜征袍

五年春三月開竹嶺倭人來聘

七年夏四月暴雨關川水溢漂流人家金城北
門自毀

八年秋七月蝗害穀海魚多出死

九年巡幸沙道城勞戍卒

十一年春二月龍見京都

十二年冬十月阿食吉宣謀叛發覺懼誅亡入百濟王移書求之百濟不許王怒出師伐之百濟嬰城守不出我軍糧盡乃歸

十三年春正月辛亥朔日有食之

十四年秋七月百濟襲破國西二城虜獲民口一千而去八月命一吉食興宣領兵二萬伐之王又率騎八千自漢水臨之百濟大懼還其所掠男女乞和

十五年夏四月伊食繼元卒以興宣為伊食

十七年春二月重修始祖廟秋七月京師地震
霜雹害穀冬十月百濟寇邊

十八年春穀貴民飢

十九年春正月以仇道為波珍食仇須弓為一

吉食二月有事始祖廟京都大疫

二十年夏五月倭女王卑彌乎遣使來聘

二十一年春正月雨土二月旱井泉渴

二十一年春三月王薨

伐休

一作
裴暉

尼師今立姓昔脫解王子仇鄒角干

之子也母姓金氏只珍內禮夫人阿達羅薨無

子國人立之王占風雲預知水旱及年之豐儉
又知人邪正人謂之聖
二年春正月親祀始祖廟大赦二月拜波珍
仇道一吉食仇須弓為左右軍主伐召文國軍
主之名始於此

三年春正月巡幸州郡觀察風俗夏五月壬申
晦日有食之秋七月南新縣進嘉禾

四年春三月下令州郡無作土木之事以奪農
時冬十月北地大雪深一丈

五年春二月百濟來攻毋山城命波珍食仇道

出兵拒之

六年秋七月仇道與百濟戰於狗壤勝之殺獲
五百餘級

七年秋八月百濟襲西境圓山鄉又進圍金谷
城仇道率勁騎五百擊之百濟兵佯走仇道追
及蛙山為百濟所敗王以仇道失策貶為金谷
城主以薛支為左軍主

八年秋九月蚩尤旗見于角亢

九年春正月拜國良為阿飡述明為一吉飡四
月京都雪深三尺夏五月大水山崩十餘所

十年春正月甲寅朔日有食之三月漢祗部女
一產四男一女六月倭入大饑來求食者千餘
人
十一年夏六月乙巳晦日有食之

十三年春二月重修宮室三月旱夏四月震宮
南大樹又震金城東門王薨

奈解尼師今立伐休王之孫也母內禮夫人妃
昔氏助賁王之妹容儀雄偉有俊才前王太子
骨正及第二十伊買先死大孫尚幼少乃立伊
買之子是為奈解尼師今是年自正月至四月

不雨及王即位之日大雨百姓歡慶

二年春正月謁始祖廟

三年夏四月始祖廟前卧柳自起五月國西大

水免遭水州縣一年租調秋七月遣使撫問

四年秋七月百濟侵境

五年秋七月太白晝見隕霜殺草九月庚午朔

日有食之大閱於關川

六年春二月加耶國請和三月丁卯朔日有食

之大旱錄內外繫囚原輕罪

八年冬十月靺鞨犯境桃李華人大疫

十年春二月拜真忠為一伐食以叅國政秋七月霜電殺穀太白犯月八月狐鳴金城及始祖廟庭

十二年春正月拜王子利音或云奈音為伊伐食兼

知內外兵馬事

十三年春二月西巡郡邑浹旬而返夏四月倭人犯境遣伊伐食利音將兵拒之

十四年秋七月浦上八國謀侵加羅加羅王子來請救王命太子于老與伊伐食利音將六部兵往救之擊殺八國將軍奪所虜六千人還之

十五年春夏旱發使錄郡邑獄囚除二死餘悉
原之

十六年春正月拜萱堅為伊食允宗為一吉食
十七年春三月加耶送王子為質夏五月大雨
漂毀民屋

十九年春三月大風折木秋七月百濟來攻國
西腰車城殺城主薛夫王命伊伐食利音率精
兵六千伐百濟破沙峴城冬十二月雷

二十三年秋七月武庫兵物自出百濟入來圍
獐山城王親率兵出擊走之

二十五年春三月伊伐食利音卒以忠萱為伊
伐食兼知兵馬事秋七月大閱楊山西
二十七年夏四月雹傷菽麥南新縣人死歷月
復活冬十月百濟兵入牛頭州伊伐食忠萱將
兵拒之至熊谷為賊所敗單騎而返貶為鎮主
以連珍為伊伐食兼知兵馬事

二十九年秋七月伊伐食連珍與百濟戰烽山
下破之殺獲一千餘級八月築烽山城
三十一年春不雨至秋七月乃雨民飢發倉廩
賑給冬十月錄內外獄囚原輕罪

三十三年春二月巡狩西南郡邑三月還拜波珍食康萱為伊食王

三十四年夏四月蛇鳴南庫三日秋九月地震冬十月大雪深五尺

三十五年春三月王薨

助賁尼師今立一作云姓昔氏伐休尼師今之孫

也父骨正一作葛文王母金氏玉帽夫人仇道

葛文王之女妃阿爾兮夫人奈解王之女也前

王將死遺言以壻助賁繼位王身長美儀采臨

事明斷國人畏敬之

元年拜連忠為伊食委軍國事秋七月謁始祖廟

二年秋七月以伊食于老為大將軍討破甘文國以其地為郡

三年夏四月倭人猝至圍金城王親出戰賊潰走遣輕騎追擊之殺獲一千餘級

四年夏四月大風飛屋瓦五月倭兵寇東邊秋七月伊食于老與倭人戰沙道乘風縱火焚舟賊赴水死盡

六年春正月東巡撫恤

七年春二月骨伐國王阿音夫率衆來降賜第宅田莊安之以其地為郡

八年秋八月蝗害穀

十一年百濟侵西邊

十三年秋大有年古陀郡進嘉禾

十五年春正月拜伊食于老為舒弗邯兼知兵馬事

十六年冬十月高勾麗侵北邊于老将兵出擊之不克退保馬頭柵其夜苦寒于老勞士卒躬燒柴爇之羣心感激

十七年冬十月東南有白氣如匹練十一月京都地震

十八年夏五月王薨

沾解尼師今立助賁王之同母弟也

元年秋七月謁始祖廟封父骨正為世神葛文王

論曰漢宣帝即位有司奏為人後者為之子也故降其父母不得祭尊祖之義也是以帝所生父稱親謚曰悼母曰悼后比諸侯王此合經義為萬世法故後漢光武帝宋英宗法而行之新

羅自王親入繼大統之君無不封崇其父稱王
非特如此而已封其外舅者亦有之此非禮固
不可以為法也

二年春正月以伊食長萱為舒弗部以叅國政
二月遣使高句麗結和

三年夏四月倭入殺舒弗部于老秋七月作南

堂於宮南

南堂或云都堂

以良夫為伊食

五年春正月始聽政於南堂漢祗部人夫道者
家貧無諂工書筭著名於時王徵之為阿食委
以物藏庫事務

七年夏四月龍見宮東池金城南卧柳自起自
五月至七月不雨禱祀祖廟及名山乃兩年饑
多盜賊

九年秋九月百濟來侵一伐食翊宗逆戰於槐
谷西為賊所殺冬十月百濟攻烽山城不下
十年春三月國東海出大魚三長三丈高丈有
二尺冬十月晦日有食之
十三年秋七月旱蝗年荒多盜
十四年夏大雨山崩四十餘所秋七月星孛于
東方二十五日而滅

十五年春二月築達伐城以奈麻克宗為城主
三月百濟遣使請和不許冬十二月二十八日
王暴疾薨

味鄒尼師今立一云味照姓金母朴氏葛文王伊柒

之女妃昔氏光明夫人助賁王之女其先閼智
出於雞林脫解王得之養於宮中後拜為大輔
閼智生勢漢勢漢生阿道阿道生首留首留生
郁甫郁甫生仇道仇道則味鄒之考也沾解無
子國人立味鄒此金氏有國之始也

元年春三月龍見宮東池秋七月金城西門災

延燒人家百餘區

二年春正月拜伊食良夫為舒弗邯兼知內外
兵馬事二月親祀國祖廟大赦封考仇道為葛
文王

三年春二月東巡幸望海三月幸黃山問高年
及貧不能自存者賑恤之

五年秋八月百濟來攻烽山城城主直宣率壯
士二百人出擊之賊敗走王聞之拜直宣為一
等食厚賞士卒
七年春夏不雨會羣臣於南堂親問政刑得失

又遣使五人巡問百姓苦患

十一年春二月下令凡有害農事者一切除之

秋七月霜雹害穀冬十一月百濟侵邊

十五年春二月臣寮請改作宮室上重勞人不

從

十七年夏四月暴風拔木冬十月百濟兵來圍

槐谷城命波珍食正源領兵拒之

十九年夏四月旱錄囚

二十年春正月拜弘權為伊食良質為一吉食

光謙為沙食二月謁廟秋九月大閱楊山西

二十二年秋九月百濟侵邊冬十月圍槐谷城
命一吉食良質領兵禦之

二十三年春二月巡撫國西諸城冬十月王薨

葬大陵

一云什長陵

儒禮尼師今立

古記第三第十四二王同諱
儒理或云儒禮未知孰是

助

賁王長子母朴氏葛文王奈音之女嘗夜行星
光入口因有娠載誕之夕異香滿室

二年春正月謁始祖廟二月拜伊食弘權為舒
弗郎委以機務

三年春正月百濟遣使請和三月旱

四年夏四月倭人襲一禮部縱火燒之虜人一
千而去

六年夏五月聞倭兵至理舟楫繕甲兵

七年夏五月大水月城頽毀

八年春正月拜末仇為伊伐食末仇忠貞有智
略王常訪問政要

九年夏六月倭兵攻陷沙道城命一吉倉大谷
領兵救完之秋七月旱蝗

十年春二月改築沙道城移沙伐州豪民八十

餘家

十一年夏倭兵來攻長峰城不克秋七月多沙
郡進嘉禾

十二年春王謂臣下曰倭人屢犯我城邑百姓
不得安居吾欲與百濟謀一時浮海入擊其國
如何舒弗邯弘權對曰吾人不習水戰冒險遠
征恐有不測之危况百濟多詐常有吞噬我國
之心亦恐難與同謀王曰善
十四年春正月以智良為伊飡長所為一吉飡
順宣為沙飡伊西古國來攻金城我大舉兵防
禦不能攘忽有異兵來其數不可勝紀人皆珥

竹葉與我軍同擊賊破之後不知其所歸入或見竹葉數萬積於竹長陵由是國人謂先王以陰兵助戰也

十五年春二月京都大霧不辨入五日而霽冬十二月王薨

基臨

基一云直

尼師今立助賁尼師今之孫也父乞

淑用食

賁一云乞淑助之孫也

性寬厚人皆稱之

二年春正月拜長所為伊食兼知內外兵馬事二月祀始祖廟

三年春正月與倭國交聘二月巡幸比列忽親

問高年及貧窮者賜穀有差三月至牛頭州望
祭太白山樂浪帶方兩國歸服

五年春夏旱

七年秋八月地震泉湧九月京都地震壞民屋
有死者

十年復國號新羅

十三年夏五月王寢疾彌留赦內外獄囚六月
王薨

訖解尼師今立奈解王孫也父于老角于母命
元夫人助賁王女也于老事君有功累為舒弗

邯見訖解狀貌俊異心膽明敏為事異於常流
乃謂諸侯曰興吾家者必此兒也至是基臨薨
無子羣臣議曰訖解幼有老成之德乃奉立之
二年春正月以急利為阿食委以政要燕知內
外兵馬事二月親祀始祖廟

三年春三月倭國三遣使為子求婚以阿食急
利女送之

四年秋七月旱蝗民飢發使救恤之

五年春正月拜阿食急利為伊食二月重修宮

闕不雨乃止

八年春夏旱王親錄囚多原之

九年春二月下令向以旱災年不順成今則土膏脉起農事方始凡所勞民之事皆停之

二十一年始開碧骨池岸長一千八百步

二十八年春二月遣使聘百濟三月雨雹夏四月隕霜

三十五年春二月倭國遣使請婚辭以女既出嫁夏四月暴風拔宮南大樹

三十六年春正月拜康世為伊伐食二月倭王移書絕交

三十七年倭兵猝至風島抄掠邊戶又進圍金城急攻王欲出兵相戰伊伐飡康世曰賊遠至其鋒不可當不若緩之待其師老王然之閉門不出賊食盡將退命康世率勁騎追擊走之

三十九年宮井水暴溢

四十一年春三月鸛巢月城隅夏四月大雨浹旬平地水三四尺漂沒官私屋舍山崩三十所四十七年夏四月王薨

三國史記卷第三

翰忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿大學士監修國史上柱國致仕臣金富軾奉宣撰

新羅本紀第三

奈勿尼師今訥祗麻立干

實聖尼師今慈悲麻辛

照知麻立干

奈勿

一云那密

尼師今立姓金仇道葛文王之孫也

父末仇角干母金氏休禮夫人妃金氏味鄒王

女訖解薨無子奈勿繼之

末仇末鄒尼師奈兄弟也

論曰取妻不取同姓以厚別也是故魯公之取於吳晉侯之有四姬陳司敗鄭子產深譏之若

新羅則不止取同姓而已兄弟子姑姨從姊妹
皆聘為妻雖外國各異俗責之以中國之禮則
大悖矣若匈奴之烝母報子則又甚於此矣
二年春發使撫問鰥寡孤獨各賜穀三斛孝悌
有異行者賜職一級
三年春二月親祀始祖廟紫雲盤旋廟上神雀
集於廟庭

七年夏四月始祖廟庭樹連理

九年夏四月倭兵大至王聞之恐不可敵造草
偶人數千衣衣持兵列立吐舍山下伏勇士一

千於斧峴東原倭不恃衆直進伏發擊其不意
倭人大敗走追擊殺之幾盡六月又與倭衆
十一年春三月百濟入來聘夏四月大水山崩
十三所建國論曰倭古與百濟同
十三年春百濟遣使進良馬二匹倭不待素貢
十七年春夏大旱年荒民飢多流亡發使開倉
廩賑之平路子曰夫也倭立一倉賑大倉
十八年百濟禿山城主率人三百來投王納之
分居六部百濟王移書曰兩國和好約為兄弟
今大王納我逃民甚乖和親之意非所望於大

王也請還之荅曰民者無常心故思則來教則去固其所也大王不患民之不安而責寡人何其甚乎百濟聞之不復言夏五月京都雨魚

二十一年秋七月夫沙郡進一角鹿大有年

二十四年夏四月楊山有小雀生大鳥

二十六年春夏旱年荒民飢遣衛頭入苻秦貢

方物苻堅問衛頭曰卿言海東之事與古不同

何耶荅曰亦猶時代變革名號改易今焉得同

三十三年夏四月京都地震六月又震冬無冰

三十四年春正月京都大疫二月雨土秋七月

蝗穀不登

三十七年春正月高勾麗遣使王以高勾麗強盛送伊飡大西知子實聖為質

三十八年夏五月倭人來圍金城五日不解將士皆請出戰王曰今賊棄舟深入在於死地鋒不可當乃閉城門賊無功而退王先遣勇騎二百遮其歸路又遣步卒一千追於獨山夾擊大敗之殺獲甚衆

十四年秋八月靺鞨侵北邊出師大敗之於悉直之原

三國史記卷三
四十二年秋七月北邊何瑟羅旱蝗年荒民飢
曲赦囚徒復一年租調

四十四年秋七月飛蝗蔽野

四十五年秋八月星孛于東方冬十月王所嘗
御內厩馬跪膝流淚哀鳴

四十六年春夏旱秋七月高句麗質子實聖還
四十七年春二月王薨

實聖尼師今立開智裔孫大西知伊食之子母

伊利夫人

伊一作企

昔登保阿干之女妃味鄒王女

也實聖身長七尺五寸明達有遠識奈勿薨其

子幼少國人立實聖繼位

元年三月與倭國通好以奈勿王子未斯欣為質。

二年春正月以未斯品為舒弗邯委以軍國之事秋七月百濟侵邊

三年春二月親謁始祖廟

四年夏四月倭兵來攻明活城不克而歸王率騎兵要之獨山之南再戰破之殺獲三百餘級五年秋七月國西蝗害穀冬十月京都地震十一月無冰

六年春三月倭人侵東邊夏六月又侵南邊奪掠一百人

七年春二月王聞倭人於對馬島置營貯以兵革資糧以謀襲我我欲先其未發揀精兵擊破兵儲舒弗邯未斯品曰臣聞兵凶器戰危事況涉巨浸以伐人萬一失利則悔不可追不若依險設關來則禦之使不得侵猾便則出而禽之此所謂致人而不致於人策之上也王從之十一年以奈勿王子卜好質於高勾麗十二年秋八月雲起狼山望之如樓閣香氣郁

然久而不歇王謂是必仙靈降遊應是福地從此後禁人伐樹木新成平壤州大橋

十四年秋七月大閱於穴城原又御金城南門觀射八月與倭人戰於風島克之

十五年春三月東海邊獲大魚有角其大盈車

夏五月吐含山崩泉水湧高三丈

十六年夏五月王薨

訥祗麻立干立

金大問云麻立者方言謂極也極謂滅掉事位而置則王極為

主臣極列於下因以名之奈勿王子也母保反夫人

一云內

味鄒王女也妃實聖王之女奈勿王三十七年

以實聖質於高勾麗及實聖還為王怨奈勿質
已於外國欲害其子以報怨遣人招在高勾麗
時相知人因密告見訥祗則殺之遂令訥祗往
逆於中路麗人見訥祗形神爽雅有君子之風
遂告曰爾國王使我害君今見君不忍賊害乃
歸訥祗怨之反弑王自立
二年春正月親謁始祖廟王弟卜好自高勾麗
與堤上奈麻還來秋王弟未斯欣自倭國逃還
三年夏四月牛谷水湧
四年春夏大旱秋七月隕霜殺穀民飢有賣子

孫者慮囚原罪

七年夏四月養老於南堂親執食賜穀帛有差
八年春二月遣使高勾麗修聘

十三年新築矢堤岸長二千一百七十步

十五年夏四月倭兵來侵東邊圍明活城無功
而退秋七月霜雹殺穀

十六年春穀貴人食松樹皮

十七年夏五月末斯欣卒贈舒弗邯秋七月百
濟遣使請和從之

十八年春二月百濟王送良馬二匹秋九月又

以實聖質於高句麗及實聖還為王怨奈勿質
已於外國欲害其子以報怨遣人招在高句麗
時相知人因密告見訥祗則殺之遂令訥祗往
逆於中路麗人見訥祗形神爽雅有君子之風
遂告曰爾國王使我害君今見君不忍賊害乃
歸訥祗怨之反弑王自立
二年春正月親謁始祖廟王弟卜好自高句麗
與堤上奈麻還來秋王弟末斯欣自倭國逃還
三年夏四月牛谷水湧
四年春夏大旱秋七月隕霜殺穀民飢有賣子

孫者慮囚原罪

七年夏四月養老於南堂親執食賜穀帛有差
八年春二月遣使高勾麗修聘

十三年新築矢堤岸長二千一百七十步

十五年夏四月倭兵來侵東邊圍明活城無功
而退秋七月霜雹殺穀

十六年春穀貴人食松樹皮

十七年夏五月末斯欣卒贈舒弗邯秋七月百
濟遣使請和從之

十八年春二月百濟王送良馬二匹秋九月又

送白鷹冬十月王以黃金明珠報聘百濟

十九年春正月大風拔木二月修葺歷代園陵

夏四月祀始祖廟

二十年夏四月雨雹慮囚

二十二年夏四月牛頭郡山水暴至漂流五十

餘家京都大風雨雹教民牛車之法

二十四年倭人侵南邊掠取生口而去夏六月

又侵東邊

二十五年春二月史勿縣進長尾白雉王嘉之

賜縣吏穀

二十八年夏四月倭兵圍金城十日糧盡乃歸
王欲出兵追之左右曰兵家之說曰窮寇勿追
王其舍之不聽率數千餘騎追及於獨山之東
合戰為賊所敗將士死者過半王蒼黃棄馬上
山賊圍之數重忽昏霧不辨咫尺賊謂有陰助
收兵退歸

三十四年秋七月高句麗邊將獵於悉直之原
何瑟羅城主三直出兵掩殺之麗王聞之怒使
來告曰孤與大王修好至歡也今出兵殺我邊
將是何義耶乃興師侵我西邊王卑辭謝之乃

歸

三十六年秋七月大山郡進嘉禾

三十七年春夏旱秋七月羣狼入始林

三十八年秋七月霜雹害穀八月高勾麗侵北

邊

三十九年冬十月高勾麗侵百濟王遣兵救之

四十年春二月大風拔木夏四月隕霜傷麥

四十一年春二月地震金城南門自毀秋八月

王薨

慈悲麻立干立訥祗王長子母金氏實聖之女

也

二年春二月謁始祖廟夏四月倭人以兵船百餘艘襲東邊進圍月城四面矢石如雨王城守賊將退出兵擊敗之追北至海口賊溺死者過半

四年春二月王納舒弗邯末斯欣女為妃夏四月龍見金城井中

五年夏五月倭人襲破活開城虜人一千而去六年春二月倭人侵歙良城不克而去王命伐智德智領兵伏候於路要擊大敗之王以倭人

三國志卷之三
屢侵疆場緣邊築二城秋七月大閱

八年夏四月大水山崩一十七所五月沙伐郡

蝗

十年春命有司修理戰艦秋九月天赤大星自

北流東南

十一年春高句麗與靺鞨襲北邊悉直城秋九

月徵何瑟羅入年十五已上築城於泥河泥河一名

泥

十二年春正月定京都坊里名夏四月國西大

水漂毀民戶秋七月王巡撫經水州郡

十三年築三年山城

三年者自興役始終
三年訖功故名之

十四年春二月築老城三月京都地裂廣袤

二十丈濁水湧冬十月大疫

十六年春正月以阿食伐智級食德智為左右
將軍秋七月葺明活城

十七年築一年沙尸廣石沓達仇禮坐羅等城
秋七月高勾麗王巨連親率兵攻百濟百濟王
慶遣子文周救援王出兵救之未至百濟已陷
慶亦被害

十八年春正月王移居明活城

三國史記卷三
十九年夏六月倭人侵東邊王命將軍德智擊
敗之殺虜二百餘人

二十年夏五月倭人舉兵五道來侵竟無功而
還

二十一年春二月夜赤光如匹練自地至天冬

十月京都地震

二十二年春二月三日王薨

炤知

一云
毗處

麻立干立慈悲王長子母金氏舒弗

邯未斯欣之女妃善弓夫人乃宿伊伐食女也
炤知幼有孝行謙恭自守人咸服之

元年大赦賜百官爵一級

二年春二月祀始祖廟夏五月京都旱冬十月民飢出倉穀賑給之十一月靺鞨侵北邊

三年春二月幸比列城存撫軍士賜征袍三月高勾麗與靺鞨入北邊取狐鳴等七城又進軍於彌秩夫我軍與百濟加耶援兵分道禦之賊敗退追擊破之泥河西斬首千餘級

四年春二月大風拔木金城南門火夏四月久雨命内外有司慮囚五月倭人侵邊

五年夏四月大水秋七月大水冬十月幸一善

界存問遘災百姓賜穀有差十一月雷京都大疫

六年春正月以烏舍為伊伐食三月土星犯月
雨雹秋七月高句麗侵北邊我軍與百濟合擊
於毋山城下大破之

七年春二月築仇伐城夏四月親祀始祖廟增
置守廟二十家五月百濟來聘

八年春正月拜伊食實竹為將軍徵一善界丁
夫三千改築三年屈山二城二月以乃宿為伊
伐食以叅國政夏四月倭人犯邊秋八月大閱

於狼山之南

九年春二月置神宮於奈乙奈乙始祖初生之處也三月始置四方郵驛命所司修理官道秋七月葺月城冬十月雷

十年春正月王移居月城二月幸一善郡存問鰥寡孤獨賜穀有差三月至自一善所歷州郡獄囚除二死悉原之夏六月東陽獻六眼龜腹下有文字秋七月築刀那城

十一年春正月驅游食百姓歸農秋九月高句麗襲北邊至戈峴冬十月陷孤山城

十一年春二月重築鄒羅城三月龍見鄒羅井
初開京師市以通四方之貨

十四年春夏旱王責已減常膳

十五年春三月百濟王牟大遣使請婚王以伊
伐食比智女送之秋七月置臨海長嶺二鎮以
備倭賊

十六年夏四月大水秋七月將軍實竹等與高
勾麗戰薩水之原不克退保大牙城高勾麗兵
圍之百濟王牟大遣兵三千救解圍
十七年春正月王親祀神宮秋八月高勾麗圍

百濟雉壤城百濟請救王命將軍德智率兵以救之高勾麗衆潰百濟王遣使來謝

十八年春二月加耶國送白雉尾長五尺三月重修宮室夏五月大雨關川水漲漂沒二百餘家秋七月高勾麗來攻牛山城將軍實竹出擊泥河上破之八月幸南郊觀稼

十九年夏四月倭人犯邊秋七月旱蝗命羣官舉才堪牧民者各一人八月高勾麗攻陷牛山城

二十二年春三月倭人攻陷長峰鎮夏四月暴

風拔木龍見金城井京都黃霧四塞秋九月王
幸捺已郡郡人波路有女子名曰碧花年十六
歲真國色也其父衣之以錦繡置輦幕以色綃
獻王王以為饋食開見之歛然幼女恠而不納
及還宮思念不已再三微行徃其家幸之路經
古陲郡宿於老嫗之家因問曰今之人以國王
為何如主乎嫗對曰衆以為聖人妾獨疑之何
者竊聞王幸捺已之女屢微服而來夫龍為魚
服為漁者所制今王以萬乘之位不自慎重此
而為聖孰非聖乎王聞之大慙則潛迎其女

於別室至生一子冬十一月王薨

新編本紀第四
智証教立于豆娃金氏排智大德
帝王之子曾就智賢葛文王之子
母母整六新生夫大納帳三
子故離位時年六十四
王新居西子音一次

因執才龍見奉命許官謝我雲四雲
幸條已郡郡人波路有女子名曰楚花年十七
歲真國色也其父求之無從得見楚花以色售
獻王王以爲饋金賜是之故其父亦不納
及至宮恩念不在此二機行往其早幸之路
古地都宿於某縣之家因問曰今之人以何
爲何如也其父雖對曰然以爲聖人未嘗視之何
者爲問王幸諸邑之女佳者微服而來夫聖人
服爲滿者而制今王幸萬乘之位而自視此

三國史記卷第三

公市一民王滿

三國史記卷第四

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

新羅本紀第四

智證麻立干王

法興王

真興

智證麻立干立姓金氏諱智大路

或云智度路又云智哲老

奈勿王之曾孫習寶葛文王之子照知王之再

從弟也母金氏烏生夫人訥祇王之女妃朴氏

延帝夫人登欣伊食女王體鴻大膽力過人前

王薨無子故繼位時年六十四歲

論曰新羅王稱居西干者一次次雄者一尼師

今者十六麻立千者四羅末名儒崔致遠作帝王年代曆皆稱某王不言居西千等豈以其言鄙野不足稱也曰左漢中國史書也猶存楚語穀於菟匈奴語撐犁孤塗等今記新羅事其存方言亦宜矣

三年春三月下令禁殉葬前國王薨則殉以男女各五人至是禁焉親祀神宮三月分命州郡主勸農始用牛耕

四年冬十月羣臣上言始祖創業已來國名未定或稱斯羅或稱斯盧或言新羅臣等以為新

者德業日新羅者網羅四方之義則其為國號
宜矣又觀自古有國家者皆稱帝稱王自我始
祖立國至今二十二世但稱方言未正尊號今
羣臣一意謹上尊號新羅國王王從之

五年夏四月制喪服法頒行秋九月徵役夫築
波里彌實珍德骨火等十二城

六年春二月王親定國內州郡縣置悉直州以
異斯夫為軍主軍主之名始於此冬十一月始
命所司藏冰又制舟楫之利

七年春夏旱民饑發倉賑之

十年春正月置京都東市三月設檻穽以除猛獸之害秋七月隕霜殺菽

十一年夏五月地震壞人屋有死者冬十月雷
十三年夏六月于山國歸服歲以土宜為貢于
山國在溟州正東海島或名鬱陵島地方一百
里恃嶮不服伊飡異斯夫為何瑟羅州軍主謂
于山人愚悍難以威來可以討服乃多造木偶
師子分載戰船抵其國海岸誑告曰汝若不服
則放此猛獸踏殺之國人恐懼則降
十五年春正月置小京於阿尸村秋七月徙六

部及南地人戶充實之王薨謚曰智證新羅謚
法始於此

法興王立諱原宗

冊府元龜
姓募名泰

智證王元子母延

帝夫人妃朴氏保刀夫人王身長七尺寬厚愛
人

三年春正月親祀祿宮龍見楊山井中

四年夏四月始置兵部

五年春二月築株山城

七年春正月頒示律令始制百官公服朱紫之

秩

八年遣使於梁貢方物

九年春三月加耶國王遣使請婚王以伊食比助夫之妹送之

十一年秋九月王出巡南境拓地加耶國王來會

十二年春二月以大阿食伊登為沙伐州軍主十五年肇行佛法初訥祇王時沙門墨胡子自高勾麗至一善郡郡人毛禮於家中作窟室安置於時梁遣使賜衣著香物羣臣不知其香名與其所用遣人賫香徧問墨胡子見之稱其名

目曰此焚之則香氣芬馥所以達誠於神聖所謂神聖未有過於三寶一曰佛二曰達摩三曰僧伽若燒此發願則必有靈應時王女病革王使胡子焚香表誓王女之病尋愈王甚喜餽贈尤厚胡子出見毛禮以所得物贈之因語曰吾今有所歸請辭俄而不知所歸至毗盧王時有阿道一作我道和尚與侍者三人亦來毛禮家儀表似墨胡子住數年無病而死其侍者三人留住講讀經律往往有信奉者至是王亦欲興佛教羣臣不信喋喋騰口舌三難之近臣異次頓

或云
慶道

奏曰請斬小臣以定衆議王曰本欲興道

而殺不辜非也答曰若道之得行臣雖死無憾
王於是召羣臣問之僉曰今見僧徒童頭異服
議論竒詭而非常道今若縱之恐有後悔臣等
雖即重罪不敢奉詔異次頓獨曰今羣臣之言
非也夫有非常之人然後有非常之事今聞佛
教淵奧恐不可不信王曰衆人之言牢不可破
汝獨異言不能兩從遂下吏將誅之異次頓臨
死曰我為法就刑佛若有神吾死必有異事及
斬之血從斷處湧色白如乳衆怪之不復非毀

佛事

此據金大問鷄林雜傳所記書之奭韓奈麻釜用行所撰我道和尚碑所錄殊異

十六年下令禁殺生

十八年春三月命有司修理隄防夏四月拜伊
食哲夫為上大等摠知國事上大等官始於此
如今之宰相

十九年金官國主金仇亥與妃及三子長曰奴
宗仲曰武德季曰武力以國帑寶物來降王禮
待之授位上等以本國為食邑子武力仕至角
干

二十一年上大等哲夫卒

二十三年始稱年號云建元元年

二十五年春正月教許外官携家之任

二十七年秋七月王薨謚曰法興葬於哀公寺

北峰

真興王立諱少麥宗

或作深麥夫

時年七歲法興王

弟葛文王立宗之子也母夫人金氏法興王之

女妃朴氏思道夫人王幼少王太后攝政

元年八月大赦賜文武官爵一級冬十月地震

桃李華

二年春三月雪一尺拜異斯夫為兵部令掌內

外兵馬事百濟遣使請和許之

五年春二月興輪寺成三月許人出家為僧尼
奉佛

六年秋七月伊食異斯夫奏曰國史者記君臣
之善惡示褒貶於萬代不有修撰後代何觀王
深然之命大阿食居柒夫等廣集文士俾之修
撰

九年春二月高勾麗與濊人攻百濟獨山城百
濟請救王遣將軍朱玲領勁卒三千擊之殺獲
甚衆

十年春梁遣使與入學僧覺德逸佛舍利王使
百官奉迎興輪寺前路

十一年春正月百濟拔高勾麗道薩城三月高
勾麗陷百濟金峴城王乘兩國兵疲命伊食異
斯夫出兵擊之取二城增築留甲士一千戍之
十二年春正月改元開國三月王巡守次娘城
聞于勒及其弟子尼文知音樂特喚之王駐河
臨宮令奏其樂二人各製新歌奏之先是加耶
國嘉悉王製十二弦琴以象十二月之律乃命
于勒製其曲及其國亂操樂器授我其樂名加

耶琴王命居柒夫等侵高勾麗乘勝取十郡
十三年王命階古法知萬德三人學樂於于勒
于勒量其入之所能教階古以琴教法知以歌
教萬德以舞業成王命奏之曰與前娘城之音
無異厚賞焉

十四年春二月王命所司築新宮於月城東黃
龍見其地王疑之改為佛寺賜號曰皇龍秋七
月取百濟東北鄙置新興以阿食武力為軍主
冬十月娶百濟王女為小妃

十五年秋七月修築明活城百濟王明禮與加

良來攻管山城軍主角于德伊貪耽知等逆戰失利新州軍主金武力以州兵赴之及交戰裨將三年山郡高于都刀急擊殺百濟王於是諸軍乘勝大克之斬佐平四人卒二萬九千六百人匹馬無反者

十六年春正月置完山州於比斯伐冬十月王巡幸北漢山拓定封疆十一月至自北漢山教所經州郡復一年租調曲赦除二罪皆原之十七年秋七月置比列忽州以沙食成宗為軍主

十八年以國原為小京廢沙伐州置甘文州以
沙食起宗為軍主廢新州置北漢山州
十九年春二月徙貴戚子弟及六部豪民以實
國原奈麻身得作砲弩上之置之城上

二十三年秋七月百濟侵掠邊戶王出師拒之
殺獲一千餘人九月加耶叛王命異斯夫討之
斯多含副之斯多含領五千騎先馳入梅檀門
立白旗城中恐懼不知所為異斯夫引兵臨之
一時盡降論功斯多含為最王賞以良田及所
虜二百口斯多含三讓王強之乃受其生口放

為良人田分與戰士國人美之
二十五年遣使北齊朝貢
二十六年春二月北齊武成皇帝詔以王為使
持節東夷校尉樂浪郡公新羅王秋八月命阿
食春賦出守國原九月廢完山州置大耶州陳
遣使劉思與僧明觀來聘送釋氏經論千七百
餘卷

二十七年春二月祇園實際二寺成立王子銅
輪為王太子遣使陳貢方物皇龍寺畢功
二十八年春三月遣使於陳貢方物

二十九年改元大昌夏六月遣使於陳貢方物
冬十月廢北漢山州置南川州又廢比列忽州
置達忽州

三十一年夏六月遣使於陳獻方物

三十二年遣使於陳貢方物

三十三年春正月改元鴻濟三月王太子銅輪
卒遣使北齊朝貢冬十月二十日為戰死士卒
設八關筵會於外寺七日罷

三十五年春三月鑄成皇龍寺丈六像銅重三
萬五千七斤鍍金重一萬一百九十八分

三十六年春夏旱皇龍寺丈六像出淚至踵
三十七年春始奉源花初君臣病無以知人欲
使類聚羣遊以觀其行義然後舉而用之遂簡
美女二人一曰南毛一曰俊貞聚徒三百餘人
二女爭媚相妬俊貞引南毛於私第強勸酒至
醉曳而投河水以殺之俊貞伏誅徒人失和罷
散其後更取美貌男子粧飾之名花郎以奉之
徒衆雲集或相磨以道義或相悅以歌樂遊娛
山水無遠不至因此知其入邪正擇其善者薦
之於朝故金大問花郎世記曰賢佐忠臣從此

而秀良將勇卒由是而生崔致遠鸞郎碑序曰
國有玄妙之道曰風流設教之源備詳仙史實
乃包含三教接化羣生且如人則孝於家出則
忠於國魯司寇之旨也處無為之事行不言之
教周柱史之宗也諸惡莫作諸善奉行竺乾太
子之化也唐令狐澄新羅國記曰擇貴人子弟
之美者傅粉粧飾之名曰花郎國人皆尊事之
也安弘法師入隋求法與胡僧毗摩羅等二僧
迴上稜伽勝鬘經及佛舍利秋八月王薨謚曰
真興葬于哀公寺北峰王幼年即位一心奉佛

至末年祝髮被僧衣自號法雲以終其身王妃亦效之為尼住永興寺及其薨也國人以禮葬之

真智王立諱舍輪

或云金輪

真興王次子母恩道夫

入妃知道夫人太子早卒故真智立

元年以伊飡居柒夫為上大等委以國事

二年春二月王親祀神宮大赦冬十月百濟侵

西邊州郡命伊飡世宗出師擊破之於一善北

斬獲三千七百級築內利西城

三年秋七月遣使於陳以獻方物與百濟鬪也

山城

四年春二月百濟築熊峴城松述城以梗蒜山城麻知峴城內利西城之路秋七月十七日王薨謚曰真智葬于永敬寺址

真平王立諱白淨真興王太子銅輪之子也母

金氏萬呼

一云萬內

夫人葛文王立宗之女妃金氏

摩耶夫人葛文王福勝之女王生有奇相身體長大志識沉毅明達

元年八月以伊飡弩里夫為上大等封母弟伯飯為真正葛文王國飯為真安葛文王

二年春二月親祀神宮以伊食后稷為兵部令
三年春正月始置位和府如今吏部

五年春正月始置船府署大監弟監各一員

六年春二月改元建福三月置調府令一員掌

貢賦乘府令一員掌車乘

七年春三月旱王避正殿減常膳御南堂親錄

囚秋七月高僧智明入陳求法

八年春正月置禮部令二員夏五月雷震星殞

如雨

九年秋七月大世仇柒二人適海大世奈勿王

七世孫伊食冬臺之子也資俊逸少有方外志
與交遊僧淡水曰在此新羅山谷之間以終一
生則何異池魚籠鳥不知滄海之浩大山林之
寬闊乎吾將乘桴泛海以至吳越侵尋追師訪
道於名山若凡骨可換神仙可學則飄然乘風
於冰雪之表此天下之奇遊壯觀也子能從我
乎淡水不肯大世退而求友適遇仇柒者耿介
有奇節遂與之遊南山之寺忽風雨落葉泛於
庭潦大世與仇柒言曰吾有與君西遊之志今
各取一葉為之舟以觀其行之先後俄而大世

之葉在前大世笑曰吾其行乎仇柒勃然曰予亦男兒也豈獨不能乎大世知其可與密言其志仇柒曰此吾願也遂相與為友自南海乘舟而去後不知其所往

十年冬十二月上大等弩里夫卒以伊食首乙夫為上大等

十一年春三月圓光法師入陳求法秋七月國西火水漂没人戶三萬三百六十死者二百餘人王發使賑恤之

十三年春二月置領客府令二員秋七月築南

山城周二千八百五十四步
十五年秋七月改築明活城周三千步西兄山城局二千步

十六年隋帝詔拜王為上開府樂浪郡公新羅王

十八年春三月高僧曇育入隋求法遣使如隋貢方物冬十月永興寺火延燒三百五丁家王親臨救之

十九年三郎寺成

二十二年高僧圓光隨朝聘使柰麻諸文大舍

三國志卷四
橫川還

二十四年遣使大柰麻上軍入隋進方物秋八月百濟來攻阿莫城王使將士逆戰大敗之貴山第頃死之九月高僧智明隨入朝使上軍還王尊敬明公戒行為大德

二十五年秋八月高句麗侵北漢山城王親率兵一萬以拒之

二十六年秋七月遣使大柰麻萬世惠文等朝隋廢南川州還置北漢山州

二十七年春三月高僧曇育隨入朝使惠文還

秋八月發兵侵百濟

三十年王患高句麗屢侵封場欲請隋兵以征高句麗命圓光修乞師表光曰求自存而滅他非沙門之行也貧道在大王之土地食大王之水草敢不惟命是從乃述以聞二月高句麗侵北境虜獲八千人四月高句麗拔牛鳴山城三十一年春正月毛只嶽下地燒廣四步長八步深五尺至十月十五日滅

三十三年王遣使隋奉表請師隋煬帝許之行兵事在高句麗紀冬十月百濟兵來圍椘岑城

三國志卷四
十日
百日縣令讚德固守力竭死之城沒

三十五年春旱夏四月降霜秋七月隋使王世儀至皇龍寺設百高座邀圓光等法師說經

三十六年春二月廢沙伐州置一善州以一吉食日夫為軍主永興寺塑佛自壞未幾真興王妃比丘尼死

三十七年春二月賜大酺三日冬十月地震

三十八年冬十月百濟來攻毋山城

四十年北漢山州軍主邊品謀復榘岑城發兵與百濟戰奚論從軍赴敵力戰死之論讚德之

子也

四十三年秋七月王遣使大唐朝貢方物高祖親勞問之遣通直散騎常侍庾文素來聘賜以璽書及畫屏風錦綵三百段

四十四年春正月王親幸皇龍寺二月以伊食龍樹為內省私臣初王七年大宮梁宮沙梁宮三所各置私臣至是置內省私臣一人兼掌三宮

四十五年春正月置兵部大監二貲冬十月遣使大唐朝貢百濟襲勒弩縣

三國史記卷四
四十六年春正月置侍衛府大監六員賞賜署
大正一員大道署大正一員三月唐高祖降使
冊王為柱國樂浪郡公新羅王冬十月百濟兵
來圍我連含櫻岑歧岑烽岑旗懸穴柵等六城
於是三城或沒或降級食訥催合烽岑櫻岑旗
懸三城兵堅守不克死之

四十七年冬十一月遣使大唐朝貢因訟高勾
麗塞路使不得朝且數侵入

四十八年秋七月遣使大唐朝貢唐高祖遣朱
子奢來詔諭與高勾麗連和八月百濟攻主在

城城主東所拒戰死之築高壚城

四十九年春三月大風雨土過五日夏六月遣使大唐朝貢秋七月百濟將軍沙乞拔西鄙二城虜男女三百餘口八月隕霜殺穀冬十一月遣使大唐朝貢

五十年春二月百濟圍椶岑城王出師擊破之夏大旱移市盡龍祈雨秋冬民飢賣子女

五十一年秋八月王遣大將軍龍春舒玄副將軍庾信侵高句麗娘臂城麗人出城列陣軍勢甚盛我軍望之懼殊無闘心庾信曰吾聞振領

而裘正提綱而綱張吾其為綱領乎乃跨馬拔
劍向敵陣直前三入三出每入或斬將或搴旗
諸軍乘勝鼓噪進擊斬殺五千餘級其城乃降
九月遣使大唐朝貢
五十二年大宮庭裂

五十三年春二月白狗上于宮墻夏五月伊
耆宿與伊耆石品謀叛王覺之捕捉耆宿斬之
東市并夷九族阿耆石品亡至百濟國境思見
妻子晝伏夜行還至叢山見一樵夫脫衣換樵
夫脫衣衣之負薪潛至於家被捉伏刑秋七月

遣使太唐獻美安二人魏徵以為不宜受上喜
曰彼林邑獻鸚鵡猶言苦寒思歸其國况二女
遠別親戚乎付使者歸之白虹飲于宮井土星
犯月


五十四年春正月王薨謚曰真平葬于漢只唐

太宗詔贈左光祿大夫賻物段二百

古記云貞觀六年壬

辰正月卒而新唐書資理通鑑皆云貞觀五年辛卯羅王真平卒豈其誤耶

三國史記卷第四





忠國川